

Na osnovu člana 66. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), Smjernica za uspostavu i jačanje interne kontrole kod budžetskih korisnika („Službene novine Federacije BiH“, broj: 19/05), člana 20. Odluke o osnivanju JU “Fond Memorijala Kantona Sarajevo” ( “ Službene novine Kantona Sarajevo”, br. 28/18 i 11/19), v.d.direktor *donosi*

**PROCEDURE  
KOMUNICIRANJA SA OKRUŽENJEM  
JU” FOND MEMORIJALA KANTONA SARAJEVO”**

**OSNOVNE ODREDBE**

Procedurama komuniciranja sa okruženjem ( u daljem tekstu: Procedure) JU “Fond Memorijala Kantona Sarajevo” ( u daljem tekstu: Fond Memorijala) regulišu se:

- Principi komuniciranja sa okruženjem,
- Odnos Fonda Memorijala prema okruženju
- Završne odredbe.

**I PRINCIPI KOMUNICIRANJA SA OKRUŽENJEM**

Fond Memorijala je osnovan za obavljanje stručnih i upravnih poslova iz nadležnosti Kantona Sarajevo za oblasti koje se odnose na:

- izgradnju i uređenje grobalja šehida i poginulih boraca pripadnika Oružanih snaga BiH, spomen kompleksa, memorijalnih centara i spomen – obilježja žrtava genocida;
- izrada i postavljanje muzejskih zbirki i izložbi;
- očuvanje i rekonstrukcija historijskih mjesta i građevina te sličnih mjesta za posjetioce iz perioda OOR-a 1992-1995, NOR-a 1941-1945 i antifašizma;
- ratni turizam iz perioda OOR-a 1992-1995 u svrhu razgledanja ili povjesnih proučavanja;
- izdavačka djelatnost - priprema i izdavanje publikacija, audio i video zapisa, knjiga i naučnih radova iz perioda odbrambeno – oslovdilačkog rata 1992-1995;

Fond Memorijala je obavezan da priprema i daje odgovore na pitanja organa zakonodavne, odnosno izvršne vlasti koja se odnose na izvršavanje zakona i drugih propisa iz njegove nadležnosti.

Da bi steklo povjerenje javnosti, Fond Memorijala u obavljanju svojih aktivnosti primjenjuje slijedeće principe:

- načelo zakonitosti,
- transparentnosti,
- javnosti,
- odgovornosti,
- ekonomičnosti,
- profesionalne nepristrasnosti i
- političke nezavisnosti.

Fond Memorijala mora kontinuirano preduzimati aktivnosti na uspostavi što boljih i racionalnijih veza sa okruženjem.

Konstantan zadatak Fonda Memorijala je ostvarivanje saradnje i jačanje veza sa okruženjem.

## **II ODNOS FONDA MEMORIJALA PREMA OKRUŽENJU**

### **Odnos Fonda Memorijala prema građanima**

Fond Memorijala u rješavanju zahtjeva građana, a koja se odnose na ostvarivanje njihovih prava i pravnih interesa ili izvršavanje zakonom predviđenih obaveza, dužno je te zahtjeve rješavati u skladu sa zakonom i drugim propisima i u rokovima predviđenim zakonom.

Pri rješavanju zahtjeva Fond Memorijala je dužan u kontaktima sa građanima postupati na način da se u svakoj situaciji poštuju dostojanstvo ljudske ličnosti i njihov moralni integritet.

### **Odnos Fonda Memorijala prema drugim ustanovama, organima uprave, organizacijama i institucijama**

Fond Memorijala je dužan saradivati sa ustanovama i organima uprave na istom nivou vlasti, kao i sa organima drugog nivoa vlasti u svim pitanjima koja su od zajedničkog interesa za te organe.

U ostvaravanju međusobne saradnje Fonda Memorijala i drugih organa vlasti istog nivoa, Fond Memorijala je obavezan da dostavlja određene podatke i informacije sa kojima raspolaže i do kojih dolazi u obavljanju svojih poslova, s tim da prema potrebi može osnovati zajedničke stručne komisije ili druge grupe za izvršenje određenog zadatka, organizovati okrugle stolove i ostvarivati druge oblike međusobne saradnje od zajedničkog interesa o čemu zajednički odlučuju direktor i rukovodioci zainteresiranih ustanova, organa uprave, organizacija i institucija.

### **Odnos Fonda Memorijala prema organu izvršne vlasti**

Fond Memorijala je odgovoran za rad iz svoje nadležnosti Ministarstvu za boračka pitanja Kantona Sarajevo ( u daljem tekstu: Ministarstvo), odnosno Vladi Kantona Sarajevo ( u daljem tekstu: Vlada).

Ministarstvo, odnosno Vlada, ima pravo ispitivati nadležnosti Fonda Memorijala i pokretati postupke odgovornosti protiv direktora, rukovodećih radnika i ostalih radnika, ako ocijeni da Fond Memorijala ne izvršava pravilno i na zakonom predviđen način poslove iz svoje nadležnosti i da su zbog toga nastale ili mogu nastati štetne posljedice po prava i dužnosti građana, pravnih lica i drugih subjekata, ili posljedice za javne interese.

### **Odnos Fonda Memorijala prema organu zakonodavne vlasti**

Fond Memorijala je odgovoran organu zakonodavne vlasti - Skupštini Kantona Sarajevo za zakonito, potpuno, efikasno i profesionalno obavljanje poslova iz svoje nadležnosti.

Fond Memorijala je obavezan organu zakonodavne vlasti podnositi izvještaj o svom radu, o stanju o poslovima iz svoje nadležnosti i o izvršavanju zakona i drugih propisa, odgovarati na pitanja organa zakonodavne vlasti i slično.

### **Odnos Fonda Memorijala prema ombudsmenima**

Fond Memorijala je obavezan omogućiti ombudsmenima na njihov zahtjev nesmetano ispitivanje djelatnosti Fonda Memorijala, odnosno rukovodećih i ostalih radnika Fonda Memorijala za koje postoje podaci da su negirali ljudsko dostojanstvo, prava i slobode, uključujući provođenje etničkog progona ili održavanje njegovih posljedica.

Fond Memorijala je obavezan osigurati sva službena dokumenta i osigurati saradnju svakog radnika posebno u pribavljanju potrebnih informacija, dokumenata i spisa.

### **Odnos Fonda Memorijala prema pravnim licima**

Fond Memorijala saraduje sa pravnim licima po pitanjima iz svoje nadležnosti koja su od značaja za rad Fonda Memorijala ili su od interesa za rad tog pravnog lica.

### **Odnos Fonda Memorijala prema javnosti**

Fond Memorijala je obavezan na zahtjev pravnih lica iz oblasti štampe i drugih sredstava informisanja pružati obavještenja i davati podatke o pojedinim pitanjima iz svoje nadležnosti koja su od neposrednog interesa za rad sredstava javnog informisanja.

Fond Memorijala će uskratiti davanje podataka ako podaci predstavljaju državnu, vojnu, službenu ili poslovnu tajnu.

Fond Memorijala daje podatke u skladu sa Vodičem za pristup informacijama u Fondu memorijala broj:13-01-02-554/19 od 18.11.2019.godine.

### **Odnos Fonda Memorijala prema institucijama Bosne i Hercegovine**

Fond Memorijala je dužan ostvarivati odgovarajuću saradnju sa nadležnim institucijama Bosne i Hercegovine u onim pitanjima koja su zakonom Bosne i Hercegovine data u nadležnost Federaciji Bosne i Hercegovine, odnosno Fonda Memorijala, kao i u drugim pitanjima od zajedničkog interesa i međusobno se dogovoriti o načinu obavljanja tih poslova. S tim u vezi Fond Memorijala je dužan na njihov zahtjev u pitanjima iz svoje nadležnosti dostavljati određene podatke, spise i drugu dokumentaciju koja je neophodna za njihov rad.

### **III ZAVRŠNE ODREDBE**

Izmjene i dopune ovih procedura vrše se na način i po postupku za njihovo donošenje.

Danom stupanja na snagu ovih procedura prestaje da važi Pravilnik za pristup informacijama i komunikaciji s okruženjem, broj.13-337/09 od 28.08.2009.godine

Ove procedure stupaju na snagu danom donošenja i iste će biti objavljene na web stranici Fonda Memorijala.

**v.d.DIREKTOR-a  
Mirsad Delalić, dipl.soc.rad.**

Broj: 13-01-02-564 /19  
Sarajevo, 22.11.2019.godine